



Broj: 01-02- 2554-1 /18
 Lukavac: 31.08.2018. godine

**[02] - објави у сл. гласнику
 и на веб**

Općinsko vijeće Lukavac, na vanrednoj sjednici održanoj dana 31.08.2018. godine, razmatralo je stanje kvaliteta okoline na području općine Lukavac nakon akcidentnog zagađenja rijeke Spreče, zemljišta, zraka i ugrožavanja sigurnosti i zdravlja radnika u privrednom društvu GIKIL, te je u skladu sa članom 105. Statuta općine Lukavac („Sl. glasnik općine Lukavac“ broj 5/08 i 1/14) i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09) usvojilo slijedeće

ZAKLJUČKE

1. Općinsko vijeće zahtijeva od vlasnika i upravljačkih struktura GIKIL-a da odmah i bezuslovno krenu u investicije i osiguraju brz i efikasan progres u oblasti sigurnosti radnika u proizvodnim procesima i uticaju na okoliš, da dostave detaljan plan i program, javno ga prezentuju i usaglase sa lokalnom zajednicom i organima vlasti, te da temeljito i kontinuirano provode.
2. Općinsko vijeće zahtijeva od Vlade Tuzlanskog kantona i Vlade Federacije BiH punu uključenost u rješavanje dalje sudbine GIKIL-a na način da se osigura prihvatljiv nivo smanjenja uticaja na okoliš i ako dođe do prestanka rada da se izrade programi za zbrinjavanje radnika i njihovih porodica.
3. Imajući u vidu ekonomski značaj GIKIL-a po lokalnu zajednicu i ekonomiju BiH, Općinsko vijeće Lukavac smatra da je neophodno stvoriti uslove za brze investicije, potpuno funkcionisanje održavanja i plansko preventivnih remonta u Fabrici, te značajnog smanjenja okolinskog uticaja, barem po stopi od 25% godišnje u odnosu na minimalne ambijentalne i emisione standarde.
4. Općinsko vijeće podržava napore Federalnog Ministarstva okoliša i turizma i Federalne uprave za inspekcijske poslove u osiguranju zakonitosti i apeluje da se omogući upućivanje novog zahtjeva za dobijanje okolinske dozvole uz striktno poštivanje preuzetih obaveza i najmanje šestomjesečnu provjeru stepena izvršenja utvrđenih mjera i aktivnosti. Ukoliko se izda okolinska dozvola da ista bude uslovno godina za godinu u okviru propisanog roka od pet godina.
5. Apelujemo na okolinska udruženja, aktiviste, članove sindikata i građane Općine Lukavac da učinimo napor, da pružimo priliku investitoru i upravi GIKIL-a da za kratko vrijeme, uz punu kontrolu i monitoring ostvare zacrtane ciljeve.
6. Apelujemo na građane, zainteresiranu javnost, okolinske organizacije, medije i druge faktore da iskažu punu ozbiljnost po pitanju dalje sudbine GIKIL-a, jer se radi o pitanju od strateškog značaja za širu regiju. Imajući u vidu da se radi o složenom tehničkom, ekonomskom i pravnom problemu, očekujemo od onih koji se bave ovom tematikom da se kreću u domenu svojih stručnih kompetencija i relevantnih informacija. Samo konkretnim, korektnim i naučno utemeljenim djelovanjem možemo postići bolji okoliš čuvati radna mjesta.



7. Općinsko vijeće traži od glavnog tužioca Tuzlanskog kantona da pojasni izjavu datu u medijima „da je Global Ispat Koksna Industrija ekološka bomba za Tuzlanski kanton“.

8. Općinsko vijeće traži od vlasnika GIKIL-a i upravljačkih struktura da odmah pristupe instalaciji sistema (TBX mjerna stanica) za kontinuirani monitoring kvaliteta zraka, vode, i tla u krugu GIKIL-a i da se isti kontroliše od strane nadležnih ministarstava te da se podaci javno objavljaju na zvaničnoj web stranici ministarstava i općine.



PREDSJEDAVAJUĆI
OPĆINSKOG VIJEĆA

Mehmed Suljić, dipl.ing. mašinstva

DOSTAVITI

1. Global Ispat Koksna Industrija d.o.o.- GIKIL
ul.Željeznička 1, 75.300 Lukavac
2. Vlada TK, ul.Rudarska 65, 75.000 Tuzla
3. Vlada FBiH, Alipašina 41, 71.000 Sarajevo
4. Federalno ministarstvo okoliša i turizma, ul. Marka Marulić 2, 71.000 Sarajevo
5. Općinski načelnik
6. Tužilaštvo Tuzlanskog kantona, Maršala Tita 137, 75.000 Tuzla
7. Evidencija
8. Arhiva